

# «Da la Turnhalla alla Tonhalla»

Disc dals Fränzlis da Tschlin

■ (mc) Dapi prest trent'onns sa preschentan ils «Fränzlis da Tschlin» cun concerts live per l'entir pajais enturn. Lur pli nova «racolta musicala» è uss il disc cumpact «Fränzlis live» che è cumpari dacurt. Sco quai che *Men Steiner* dals Fränzlis da Tschlin è s'exprimi sajan els ids cun quest disc cumpact ina via nova. «Grazia a trais concerts ch'èn vegnids registrads a moda professiunala èsi stà pussaivel da realisar in disc exclusivamain cun titels sunads live davant in publicum», di Steiner. El e bain cunscient che tar in concert sin il palc posia i dar sbagls, el è dentant persvadi ch'i saja reussì da transportar la frestgezza ed il plaschair tant dals musicants sezs sco dal publicum sin il nov disc.

## Da la Turnhalla a la Tonhalla

Il nov disc cumpact è sco ins giada ed apprezzescha ils Fränzlis da Tschlin sin tribuna: Frestg, luc, in zichel impertinent, natural e senza firelfanzas. Las registraziuns èn fatgas durant ils concerts en la sala plurivalenta a Strada en Engiadina Bassa, en la baselgia son Gion a Tavau ed en la «Tonhalle» a Turitg a chaschun da l'emprima «Stubete» al lai. Sin il nov disc cumpact èn ils Fränzlis restads fidaivels a lur motto: tradiziun ed innovaziun. Ord l'Engiadina Bassa derivan ils titels tipics «Schottisch da Joggi», «Valser



Frontispizi dal nov disc cumpact «Fränzlis live» dals Fränzlis da Tschlin. MAD

da nos Men», «Galop dals Ernīs», «Valser da nozzas», «La fàira da Strada» e «Schottisch a Stilerberg». La rimnada da

Hanny Christen è represchentada cun «Marcha H077TN44». Ed era questa giada han ils musicants ispirà cun lur

ideas musicalas caracteristicas il repertori dal disc. Ord manai vel lontan salidan ord il Tessin il vigl pegliasis svizzer

«Grüss mir Lugano», ord il Puschlav la «Baldanza», ord Engelterra cun ils Beatles «Elena Ratti» alias «Eleoanor Rigby» ed ord l'Irlanda «Iris coffee» garnì cun ina pitschna chapitscha da groma engiadinaisa. E sco finiziun cooperescha er il publicum cul renumà «Fliegenmarsch» ord l'operetta «Der fliegende Rittmeister».

Suenter avoir concertà dacurt cun lur nov program «I vegnan ils Fränzlis» en la sala da l'ustaria «Weisser Wind» a Turitg ed en la sala Ono en la Krammgasse a Berna vegnan ils Fränzlis a sa preschentar ils 24 da schaner 2010 en la baselgia da s. Martin a Cuira cun in concert spezial cun l'organist *Rudolf Lutz*, ils 28 e 29 d'avust 2010 en il rom da «Stubete am See» en la Tonhalle a Turitg ed ils 10 da settember 2010 en il Center da cultura Rütihubelbad a Walkringen (BE).

Suenter avoir sunà durant radund 30 onns dapertut enturn, en salas da gimnastica ed en la chamona da muntogna, en baselgias grondas ed ustarias pitschnas e schizunt a la «Tonhalle» a Turitg vegnan ils Fränzlis da Tschlin uss tras il nov disc «Fränzlis live» a dar a lur fidaivel publicum in concert a chasa.

**Ils Fränzlis da Tschlin. Da la Turnhalla a la Tonhalle. Ediziun Zytoglogge Zyt 4922 2009. Pretsch: 30 francs. Da retrair era en tut las stizuns da musica.**